

et que celui qui representait Iesus-Christ s'appelle Josué de Villeneuve. L'adiouste que celui qui ioüoit Lucifer a pour nom Simon Vannerot, et que tous deux sont honnestes enfans, de belle expectation, iouyssant encore auiourd'huy d'vne pleine santé, sans auoir esté ny peu ny prou atteints de maladie : dequoy te feront foy tes yeux et tes oreilles, si pour voir la laideur de tes mensonges il te prend fantaisie de t'en venir informer en ceste ville.

Vous pensez peut estre (Messieurs) que c'est tout. Non uon, cest homme n'est pas encor saoul de mentir. Prenez garde comme il lasche les mensonges quatre à quatre.

« Entre trois tonnerres qu'il fit (dit-il) il y en eut vn si terrible, que le foudre cheut sur vne tour qui est au bord du Rhosne, ioignant le Colleege des Iesuites. Leans il y auoit vn homme qui fut blessé et vne femme tuée. Le foudre rompit la cheminée par où il entra, puis sorti par mesme endroit, se iette sur un bateau chargé de bois, qu'il fit couler au fonds du Rhosne. »

Voila sept mensonges pour vne seule verité, qui est que le foudre tomba dans vne tour, estant faux que ceste tour soit ioignant le Colleege; faux que le foudre y tombant, vn homme y fust : faux par conséquent qu'il y fust blessé : faux qu'vne femme y fust tuee : faux que le foudre rompit aucune cheminée : faux qu'il se soit ietté sur aucun bateau : faux enfin qu'il l'aye fait couler au fonds du Rhosne. Ceste dite tour est celle qu'on nomme du Commis, la plus proche de la porte des Cordeliers, et la quatriesme en contant depuis la porte de rue Neuve, et partant bien esloignée du Colleege. Car si on conte instement depuis le plus proche coin des Iesuites iusqu'à celui des PP. Cordeliers, l'on trouuera que ladite tour est plus voisine d'eux que des Iesuites, au moins de cent et quinze pas. L'on n'a point remarqué qu'autre mal y soit arriué, que d'effrayer vne femme qui estoit dedans, et fondre la pointe d'vn poinçon seruant à sonder les balles (1). Celui qui ha-

(1) Les balles de marchandises qui entraient à Lyon. De nos jours encore,